

# Khris' Suangphum

CHURCH  
of CHRIST  
NEW DELHI

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khris ahi - 1 Kor. 3:11

Vol. XXI. No. 51

Private Circulation

December 22, 2024

## BELAM BANG IN

Jamson

**B**ible in Pathian mite (Khrisiante) belam toh a hon tehkhin hi. I Toupa Jesu Khris mahmah inleng a kam ngei in eite a belamte I hihdan, amah I belampu, kiloh belampu hilou a belampu diktak, a belamte a diing a hinna pepa ahidhan ana gen hi (Johan 10:11-15). Bible mundang tamtak ah Pathian mite belam bang a gen in ana om ngeingut hi. Kumpi Davi in Sam 23na ah Toupa hon chingpa ahidhan leh Pathian mite belam bang in ana gen hi. Huan, Matthai 18:12-14 ah Jesu'n a mite belam toh ana tehkhin nawn hi. Nitawp ni a thukhenna tutpha toh kisai a genna ah leng Jesu'n amah ate belam bang in ana gen leuleu hi (Matthai 25:32-33).

Zawlnei Isai inleng *"I vek un belam bang in I vak-mang ua; eimah lampi tuam chiat uah I pialta uh..."* ana chi hi (Isai 53:6). Sam gelhtu'n *"Toupa tuh Pathian ahi chih thei un; hon bawlp a amah ahi a, amah a I hi ua; amite leh a gantatna mun a belamte I hi"* (Sam 100:3. Cf. Sam 78:52) ana chi hi. Thukhun Thak ah unaupa Paul in Ephe-sa kua a Saptuam upate kiang ah noumau leh Pathian belamte tung ah pilvang un chi'n ana vaikhak a (Nasepte 20:28), I unaupa Peter inleng *"Belam mang bang in na mang ua, tu'n zaw nou hon chingpa leh heutupa kiang ah na kiknawnta uhi"* ana chi hi (1 Peter 2:25).

Belam toh tehkhin a om in belam bang a gen in ommah lehang belam bang chibang ganhing hi hiam chih I ngaihtuah sau ngeikhoh kei uh. Tuni'n bangziak a I Toupa'n amite belam toh honna tehkhin hi hiam? Belam hihna bang hihiam chih saulou taklang leng ka chi ahi. Belam toh tehkhin a I omleh belam toh I kibat uh akul diing. I Toupa'n belam toh honna tehkhin ahiman in I hihna I pukhana uhiam chih I kitheihchetna diing in belam hihna tamlou I ensuk diing.

**Khatna ah, Belam ahon in akhosa uh.** Belam mizia langsal mahmah khat tuh ahonhon a khosak khawm ahi. Belam en lechin khat kia in a tangtatkei hial diing. A paina peuh uah ahonhon in kizui nainai diing uhi. Huai tuh a hihna khat ahi. Belam a kingai mahmah ua amel uh bang leng kithei tuahdan uh ahi. Belam khat in a belam pih dang 50-te mel kum nih sung bang theiden kichi hi. Belam khat belam dang omlouhna kua khat a i khoi leh lungzuang in a tal a suang si ngiungeu in si kichi hi. Hichituk a kingai ganhing ahi uh. Huaiziak in I paunak uah *"belam tal lungzuang"* chih ana om hial hi.

Belam bang a ahon a omkhawm a, kimeltheih tuah a khat leh khat kingai a ki-it tuah diing mah in I belmapu lian Jesu Khris in ahon sinsak tuantuan hi. Pathian belam chih a I om ngal leh belam taktak bang a I belam hihpih (I unaute) lak a I om a, belam in a belampihte mel atheih

bangbang a i belam pihte mel I theih a I ngaihntat diing ahi. Jesu'n, *"Thupiak thak kon pia ahi, ki-it un, ken nou kon it bang in, nou leng ki-it un. Na ki-it uleh mitengteng in ka nungzuite na hi uh chih huai ah a thei diing uh a chi hi"* (Jn.13:34-35. Cf. 1 Jn. 3:16-18; 4:11; 1 Peter 1:22).

Belam a honhon a a-om bang a eileng I unaute toh kithuahkhawmna ngaina diing a hih in I om uhi (Hebrute 10:25). Nungzui masate'n hiai thu ana zuidik mahmah uhi. *"A gingta peuhmah in bangkim a kikop khawm uhi. A goute uh, a thilneihte uh a zuak ua, a deihdong chinglel chiat in avek ua kiang ah a hawmzel uhi. Huan niteng in, lungsim munkhat in, Pathian biakin ah phatuamm-gaitak in a om zelzel ua, a innte uah leng tanghou balkham in, nuam leh lungkim in, a an uh a ne zel uhi. Pathian a phat ua, mi tengteng deihsak in a om uhi. Huan a hotdam lel peuhmah Toupa'n niteng in a kiang uah a behlap sakzel hi"* (Nasepte 2:44-47).

Lidia in a unaupihte ngaina mahmah in unaupa Paul-te a inn a tung diing in ngainatak in ana khou ngutngut hi (Nasepte 16:14-15). Puteoli kua a unaute'n Rome kua zuan a pai unau Paul leh unau dangte ngaina mahmah in ni sagih sung tam diing in ana khou uhi (Nasepte 28:13-14). Huan unaute mah in a tanchin a zaktak un Appii dawl leh Khualbuk thumte omna chiang ah a dawn diing in ava kuan hial uhi (Nasepte 28:15).

I unaute lak nuamsa theilou a ut leng I ut theilouh a. I unaupihte mel theih sawmlou a I ngaihntat theihkei a. I unaupihte omkhawmna sang a mundang ngainazaw mi I hih in tuh belam batna neikhalou I hi. Tuabang I hihkhak leh belam hilou a kel belam vunsilh hihkhak lauhuai diing hi. Pathian belam ka hi I kichih ngal leh Belam in ahon a omkhop nuam asak bang in unaute toh omkhop mah nuam sa in, belam in a belam pihte mel a theih bang in I unaupihte thei in, balam a lawmte ngai a alungzuan bang in I unaupihte mah ngaihntat sawm ni hang.

Sutzop diing

PLACE OF WORSHIP  
Yusuf Sadan, Secred Heart  
Cathedral, Ashoka Road,  
Delhi - 110001  
Phone No. 9953968807  
website : www.cocdelhi.org

'KHRIS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'  
Enkaitu : Jamson Guite

BIBLE CLASS  
Class Teacher  
Adult : James, Siamkhanmuan  
Inter. : Biakmang & Jamson  
Junior : Minlun & Suanlian  
Primary : Vungngaihkim & Rose  
Beginner : Chingkhanlun & Rosely

**TOUPA NI'  
THILPIAK**  
Date 15.12.2023 = 49,080/-

**LAI SIANGTHOU TANGTEL**  
"Michih in thilpiak na muh bangzel un, Pathian hehpihna  
chitng kem hoihte bang in huaite in nna kisepsak  
tuahtiat un" - 1 Peter 4:10

THU TUAMTUAM THU TUAMTUAM

**Biakna Hunzeek**  
Toupa' Ni  
Date 22.12.2024  
Hun-uk thumna : Amjangthang  
Lapi : Thongsiangdong  
Thilpiak : John Mung  
Theihgigena : Thangzalam  
Thugen : Siamkhanmuan  
Thumna : Dongkhanlian

**VAIPAW THAK DIINGTE**  
2025 & 2026 business vaipaw di-  
ing kitellna november business meet-  
ing a neih in om a, huai ah hiai a nuai a  
bang in vaipaw diing telkhiak in om hi.  
Chairman - Unp. Kamkhenthang  
Secretary - Unp. Thongginlian  
Finance Sec. - Unp. Thangzalam  
Treasurer - Unp. Amjangthang

**KAISANG**  
Muanhuaitak apan thu kimu  
dungzui in unaupa Thangzalam a sep-  
na a Deputy Director a dopsang in ana  
om hi. Unaupa lohchinna i kipapih  
mahmah uhi. Toupa Thupha.

**HAWMKHIAK HITA**  
Toupa Ni skul exam a lawmman  
hawm diing kibang om tengteng kal  
paita Toupa Ni in hawmkhiak vek hita  
hi. Hiai hawmkhiakna ah unaupa Jam-  
son in hon makaih a Bible class poi-  
mohngaih diing ahihdan leng Lai-  
siangthou pansan in saulou gen hi.  
Sunday school enkaitu unaupa Kham-  
minthang inleng thugenna hun saulou  
zang in program thongvengtak in zoh  
in om hi.

**DAMLLOU**  
Mrs. Dolly w/o unaupa Thang  
John Mung, in infection ziak a khosik  
ana neihdet ziak in RR hospital ah ad-  
mit in ana om hi. Damsiang chet naikei  
mahleh a hoihlam hita a theih ahi.

**Midweek online Bible Class**  
Date 25.12.2024  
Thumna : Khamminthang  
Sinsaktu : Lindell Mitchell  
Thumna : Pauminthang

Unaunu Kimnu leng bp san ziak  
in kal masa in damlou in ana om a of-  
fice bang leng ni 2 lam kai ngaplou in  
ana om hi. Amah leng Pathian panpih-  
na toh a hoihlam hita.

**LAZILNA OM NAWN DIING**  
Tukum a diing a bible class  
zohsiang hinawn phot ahihman in hiai  
class hunte a phatuam theihpen a  
zang a i labu ua la sak theih nailouh  
omte zilna hun a zat diing chih ahi. Hu-  
chi ahihman in unaute'n ngaikhok in  
ahun lap di'n kuan siausiau ni.

**LAMKA LAM AH**  
Kal paita in unaunu Chiingngaih-  
kim leh unaunu Chingnunhoih Lamka  
lam ah ana zinkhia uh. Hun awl zang  
diing leh tanau veh dia va zinzual uh  
hihtuak ua sawt omlou in hong kileh  
nawnpah diing uhi.

**Kiginni**  
Date 28.12.2024  
Hun-uk thumna : Kamkhenthang  
Lapi : Jamson  
Thugen : Amjangthang  
Thumna : Kammuanlal

**TUAILAI PROGRAM**  
Tuni biakkhawmna zoh chiang  
in tuailai lamte'n unaupa Kham-  
minthang inn ah kithuahkhawmna nei  
nawn diing uh hi.

**Toupa' Ni**  
Date 29.12.2024  
Hun-uk thumna : Kamkhenthang  
Lapi : Jamson  
Thilpiak : Joseph Siuantak  
Theihgigena : Thongsiangdong  
Thugen : Lang James  
Thumna : Thongginlian

**TUAILAI PROGRAM**  
December 22, 2024  
Hunkem : Gin Samuel  
Lapi : Ginminlun  
Thugen : Reuben  
Thumna : Daniel  
**Hun Nihna:**  
**Pitu: Khamminthang**  
**Amun: Khamminthang inn.**

**CHURCH OF CHRIST, DELHI**  
**Finance Report**  
November, 2024  
Opening Bal. 12,67,290.50  
Total Recd. 2,50,903.00  
Grand Total 15,18,193.50  
Total Expnd. 2,43,428.42  
Closing Bal. 12,74,765.08